

合宮憂悲品第八

車匿牽馬還
隨路號泣行
先與太子俱
今捨太子還
徘徊心顧戀
良馬素體駿
躑躅顧瞻仰
流淚四體垂
旋轉慟悲鳴
遺失救世主
國土悉廓然
如日隱須彌
泉池不澄清
巷路諸士女

望絕心悲塞
不能自開割
一宿之徑路
生奪天蔭故
八日乃至城
奮迅有威相
不覩太子形
憔悴失光澤
日夜忘水草
還歸迦毘羅
如入空聚落
舉世悉曠冥
華果不榮茂
憂感失歡容

車匿與白馬
問事不能答
眾見車匿還
舉聲大號泣
有人來路傍
王子世所愛
汝輒盜將去
車匿抑悲心
我眷戀追逐
王子捐棄我
剃頭被法服
眾人聞出家
嗚咽而啼泣
各各相告語
眾人咸議言
如人命根壞

悵快行不前
遲遲若尸行
不見釋王子
如棄羅摩還
傾身問車匿
舉國人之命
今為何所在
而答眾人言
不捨於王子
并捨俗威儀
遂入苦行林
驚起奇特想
涕淚交流下
我等作何計
悉當追隨去
身死形神離

王子是我命 失命我豈生
此邑成丘林 彼林城郭邑
此城失威德 如殺毘梨多
城內諸士女 虛傳王子還
奔馳出路上 唯見馬空歸
莫知其存亡 悲泣種種聲
車匿步牽馬 歔歔垂淚還
失太子憂悲 加增怖懼心
如戰士破敵 執怨送王前
入門淚雨下 滿目無所見
仰天大啼哭 白馬亦悲鳴
宮中雜鳥獸 內廐諸群馬
聞白馬悲鳴 長鳴而應之
謂呼太子還 不見而絕聲
後宮諸姝女 聞馬鳥獸鳴
亂髮面萎黃 形瘦脣口乾

弊衣不浣濯 悉捨莊嚴具
舉體無光耀 猶如細小星
衣裳壞縊縷 狀如被賊形
見車匿白馬 涕泣絕望歸
感結而號咷 猶如新喪親
狂亂而搔擾 如牛失其道
大愛瞿曇彌 聞太子不還
竦身自投地 四體悉傷壞
猶如狂風摧 金色芭蕉樹
又聞子出家 長歎增悲感
右旋細軟髮 一孔一髮生
黑淨鮮光澤 平住而灑地
何意合天冠 剃著草土中
臚臂師子步 脩廣牛王目
身光黃金炎 方臆梵音聲

持是上妙相 入於苦行林
世間何薄福 失斯聖地主
妙網柔軟足 清淨蓮花色
土石刺棘林 云何而可蹈
生長於深宮 溫衣細軟服
沐浴以香湯 末香以塗身
今則置風露 寒暑安可堪
華族大丈夫 標挺勝多聞
德備名稱高 常施無所求
云何忽一朝 乞食以活身
清淨寶床臥 奏樂以覺懣
豈能山樹間 草土以籍身
念子心悲痛 悶絕而蹙地
侍人扶令起 為拭其目淚
其餘諸夫人 憂苦四體垂
內感心慘結 不動如畫人

時耶輸陀羅 深責車匿言
生亡我所欽 今為在何所
人馬三共行 今唯二來歸
我心極惶怖 戰慄不自安
終是不正人 不昵非善友
不吉縱強暴 應笑用啼為
將去而啼還 反覆不相應
愛念自在伴 隨欲恣心作
故使聖王子 一去不復歸
汝今應大喜 作惡已果成
寧近智慧怨 不習愚癡友
假名為良朋 內實懷怨結
今此勝王家 一旦悉破壞
此諸貴夫人 憂悴毀形好
涕泣氣息絕 雨淚橫流下
夫主尚在世 依止如雪山

安意如大地 憂悲殆至死
況此窓牖中 悲泣長叫者
生亡其所天 是苦何可堪
告馬汝無義 奪人心所重
猶如闇冥中 怨賊劫珍寶
乘汝戰鬥時 刀刃鋒利箭
一切悉能堪 今有何不忍
一族之殊勝 強奪我心去
汝是弊惡蟲 造諸不正業
今日大嗚呼 聲滿於王宮
先劫我所念 爾時何以瘞
若爾時有聲 舉宮悉應覺
爾時若覺者 不生今苦惱
車匿聞苦言 飲氣而息結
收淚合掌答 願聽我自陳
莫嫌責白馬 亦莫恚於我

我等悉無過 天神之所為
我極畏王法 天神所驅逼
速牽馬與之 俱去疾如飛
厭氣令無聲 足亦不觸地
城門自然開 虛空自然明
斯皆天神力 豈是我所為
耶輸陀聞說 心生奇特想
天神之所為 非是斯等咎
嫌責心消除 熾然大苦息
躡地稱怨歎 雙輪鳥分乖
我今失依怙 同法行生離
樂法捨同行 何處更求法
古昔諸先勝 大快見王等
斯皆夫妻俱 學道遊林野
而今捨於我 為求何等法
梵志祠祀典 夫妻必同行

同行法為因 終則同受報
汝何獨法慳 棄我而隻遊
或見我嫉惡 更求無嫉者
或當嫌薄我 更求淨天女
為何勝德色 修習於苦行
以我薄命故 夫妻生別離
羅睺羅何故 不蒙於膝下
嗚呼不吉士 貌柔而心剛
勝族盛光榮 怨憎猶宗仰
又子生未孩 而能永棄捨
我亦無心腸 夫棄遊山林
不能自泯沒 此則木石人
言已心迷亂 或哭或狂言
或瞪視沈思 哽咽不自勝
懨懨氣殆盡 臥於塵土中
諸餘姝女眾 見生悲痛心

猶如盛蓮花 風電摧令萎
父王失太子 晝夜心悲戀
齋戒求天神 願令子速還
發願祈請已 出於天祠門
聞諸啼哭聲 驚怖心迷亂
如天大雷震 群象亂奔馳
見車匿白馬 廣問知出家
舉身投於地 如崩帝釋幢
諸臣徐扶起 以法勸令安
久而心小醒 而告白馬言
我數乘汝戰 每念汝有功
今者憎惡汝 倍於愛念時
所念功德子 汝輒運令去
擲著山林中 猶自空來歸
汝速持我往 不爾往將還
不為此二者 我命將不存

更無餘方治	唯待子為藥
如珊闍梵志	為子死殺身
我失行法子	自殺令無身
魔冤眾生主	亦當為子憂
況復我常人	失子能自安
古昔阿闍王	愛子遊山林
感思而命終	即時得生天
吾今不能死	長夜住憂苦
合宮念吾子	虛渴如餓鬼
如人渴探水	欲飲而奪之
守渴而命終	必生餓鬼趣
今我至虛渴	得子水復失
及我未命終	速語我子處
勿令我渴死	墮於餓鬼中
我素志力強	難動如大地
失子心躁亂	如昔十車王

王師多聞士	大臣智聰達
二人勸諫王	不緩亦不切
願自寬情念	勿以憂自傷
古昔諸勝王	棄國如散花
子今行學道	何足苦憂悲
當憶阿私記	理數自應然
天樂轉輪聖	蕭然不累清
豈曰世界王	能移金王心
今當使我等	推求到其所
方便苦諫諍	以表我丹誠
要望降其志	以慰王憂悲
王喜即答言	唯汝等速行
如舍君陀鳥	為子空中旋
我今念太子	便恧心亦然
二人既受命	王與諸眷屬
其心小清涼	氣宣飡飲通